

PATRIARCHATUS ANTIOCHENI.

291

HIERAPOLIS Notitiæ antiquæ Græcæ. ¹ *Paulus* hujus Episcopus in eadem Epistola reperitur.

CHARADRA in Concilio Chalcedonensi Act. 6. pag. 268. Basilius Seleuciensis Metropoli Isauriæ subscribit pro Nunechio Χαράδρων Episcopo Suffraganeo suo. MS. Latinus Caradri vertit, & sic Straboni lib. 14. pag. 669. Χαράδρος dicitur. LUCAS HOLSTENIUS.

LAUZADÆ Hierocli, & alteri Notitiæ NAUZADÆ. Ejus Episcopus Theodorus adfuit Concilio Nicæno & Antiocheno, ubi malè Vasadensis scribitur. LUCAS HOLSTENIUS.

NEPHELIS Ptolem. ubi supra. *Antonii* Nephelidis Episcopi memoria est act. 6. Conc. Chalcedonensis.

DALISANDUS eidem Notitiæ. ² *Stephani* Dalisandi Præfulis mentio fit in eadem Epistola Synodica.

CLAUDIOPOLIS Constantino Porphyrogennetæ in Themate Seleuciæ. ³ *Montanus* hujus Episcopus adfuit Concilio Constantinopolitano primo.

GERMANICOPOLIS eidem Constantino ibid. ⁴ *Tyrannus* ejus Episcopus in eodem Concilio legitur.

SBIDE dictæ Notitiæ antiquæ, Bida libro Conc. *Conon* Bidæ Antistes act. 6. Conc. Chalc. dicitur, qui in aliis editionibus Isidis Episc. nominatur.

⁵ CESTRUS Notitiæ antiquæ Græcæ, Caystrus Ptol. lib. 5. cap. 8. *Epiphanius* ejus Episcopus subscripsit dictæ Epistolæ Synodicæ Isauriæ.

⁶ OLBUS Straboni lib. 14. Olbasa Ptolem. lib. 5. cap. 8. vulgò *Albistaverati* Molano. *Paulus* Olbi Episcopus in eadem Epistola dicitur.

LYBIAS urbs Episcopalis Isauriæ est in dicta Epistola Synodica, cui *Conon* hujus Antistes subscripsit.

HERMOPOLIS urbs Episcopalis ejusdem provinciæ in eadem Epistola, in qua *Julianus* ejus Episcopus nominatur.

IRENOPOLIS dictæ Not. antiq. ab Irenopoli, quæ in Cilicia est, diversa. ⁷ *Menodaurus* Irenopolis Antistes ex Isauria, in actione 6. Conc. Chalcedonensis legitur.

SEBASTE urbs Episcopalis Isauriæ est in dicta Epistola, cui *Sebastianus* Sebastenus Episcopus subscripsit. Sed mendosè syngrapham illam superadditam esse ex hoc conjicimus, quod civitas illa ex Cilicia sub Tarso sit, ut jam Notitiis antiquis, & Ptolemæo annotavimus.

EUPHRATENSIS.

HIERAPOLIS in Cyrrestica regione Ptolem. lib. 5. cap. 15. vulgò *Halleppo* Bellonio. Sed contra mentem Zonaræ & Cedreni, qui hoc nomen Berææ tribuunt. ⁸ *Stephanus* Metropolis Hierapolis Episcopus subscripsit Conc. Chalcedonensi.

⁹ CYRRHUS Ptol. ibid. hodie *Quars* vel *Carin* dicitur. *Theodoretus* ejus Episcopus est in eodem Concilio, & ¹⁰ *Isidori* Cyrri Antistitis memoria est apud Theodor. lib. 5. cap. 4.

¹¹ SAMOSATA Ptolem. ibid. vulgò *Scemsat*. *Antiochus* hujus Episcopus sub-

O O 2

NOTÆ LUCÆ HOLSTENII.

¹ *Paulus* &c. in eadem Epist. reperitur.] qui etiam in Concilio Chalcedonensi Act. 6. legitur.

² *Stephani* &c. mentio fit in eadem Epist. Synod.] & in ipso Concilio Chalcedonensi Act. 6.

³ *Montanus* &c.] Theodorus adfuit Ephesino Latrocinio Act. 1. Concil. Chalcedon, & ipse Chalcedonensi Act. 6.

⁴ *Tyrannus* ejus Episc.] in Chalcedonensi [Concilio legitur] Act. 6.

⁵ *Cestrius*] Cestrius [*Epiph.* &c. subsc. d. Ep. Syn. Isauria] & Chalced. Act. 6.

⁶ *Olbus* &c.] Olba [*Ptol. lib. 5. cap. 8.*] Hierocli Olbæ; alteri Notitiæ O'lvæ, & MS. Latin. Olba &c. Diapherontius Olbæ Episcopus in Concil. Chalced. Act. 6. & sic MS. Latinus antiquissimus.

⁷ *Menodaurus*] Menodorus.

⁸ *Stephanus* &c.] Theodorus Constantinopolitano 1. &c. Theodorus Concilio v. Constantinopolitano Hierapolis ad Euphratem metropoli.

⁹ *Cyrrhus*] Cyrus [*Carin* dicitur.] Augarus Episcopus Κύρις Ευφρατίας; apud Epiphani. hæc. 73. pag. 874. ubi scribendum Ευφρατης.

¹⁰ *Isidori*] Cyri [*Antist. mem. est apud Theod. lib. 5. cap. 4.*] qui subscripsit Constantinop. 1.

¹¹ *Samosata* &c. *Scemsat*.] Erat Metropolis Commagenæ. Paulus hæresi nobilitatus. Piperius adfuit Concilio Antiocheno contra S. Athanasium. Eusebio ob fidem exuli scribit Gregorius Nazianzenus Epist. 28. 29. 204. &c. Rufinus Chalcedonensi Concilio subscripsit. Act. 6.